

Pleurothallis Convallaria Schltr., nov. spec.

Epiphytica, erecta, elata, usque ad 40 cm alta; rhizomate valde abbreviato; radicibus filiformibus, flexuosis, glabris; caulibus teretibus, basi paucivaginulatis, medio vagina magna obtectis, 13—17 cm longis, c. 4 mm diametentibus, glabris; folio erecto vel suberecto elliptico-lanceolato, obtusiusculo, basi cuneato, sessili, 15—19 cm longo, medio fere 4,5—6 cm lato, tenuiter coriaceo; racemo singulo, erecto, folium bene excedente, gracili, pedunculo paucivaginulato, folium subaequante, racemo ipso laxe 10—15-floro, usque ad 15 cm longo, secundo; bracteis cucullato-ovalibus, apiculatis, ovarii pedicello duplo brevioribus, textura tenuibus; floribus forma *Convallariam* in mentem revocantibus et fere aequimagnis, glabris, fide collectoris vinoso-rubidis et albidis, haud valde apertis; sepalis oblongis, subacutis, 3-nerviis, vix 1 cm longis, lateralibus obliquis, intermedio paulo angustioribus, usque infra medium connatis; petalis oblique vel subfalcato-obovatis, apice leviter excisis, 3-nerviis, c. 6 mm longis, glabris; labello ex ungue lineari subito obreniformi-dilatato, apice exciso cum denticulo interjecto, superne bicarinato, toto c. 4 mm longo, lamina 3 mm longa, 5 mm lata; columna leviter arcuata, gracili c. 5 mm longa, apicem versus paululo dilatata, pede mediocri, clinandrio subcrenulato; ovario pedicello incluso c. 6 mm longo, tereti, glabro.

Costa Rica: Bois humides, San Pedro de San Ramon, alt. 1100 m — A. M. Brenes no. 84, VII. 1921. Fleurs assez grandes, de couleur rouge-vineux et blanc. Rare.

Diese nach Lindleys Einteilung zu den „*Macrophyllae-Racemosae*“ gehörende Art scheint recht isoliert zu stehen. Ich wüßte nicht, mit welcher anderen sie verglichen werden könnte. Habituell erinnert sie etwas an *P. naranjensis* Rehb. f., doch ist sie in allen Blütenteilen sehr verschieden. Besonders auffallend ist die Form der Lippe.